



Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

JAVNO PREDUZEĆE ELEKTROPRIVREDA BOSNE I HERCEGOVINE d.d.	
PODRUŽNICA SARAJEVO TERMoelektrana "KAKANJ"	
PRIMLJENO	09-04-2024
BRJ PROJEKTA	5490-1/24
ORGANIZACIONA JEDINICA	02-45-2

Sarajevo, 08-04-2024
Broj: 02- 11941-1/24

Na osnovu člana 69. i 70. Zakona o javnim nabavkama BiH ("Službeni glasnik BiH" broj 39/14), člana 95. Statuta JP Elektroprivreda BiH d.d.-Sarajevo (prečišćeni tekst) broj: NO-2190/21-41./2. od 25.01.2021. godine, te člana 5. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva broj: U-01-40623-1/23-18/34 od 14.11.2023. godine, v.d. Izvršnog direktora za proizvodnju, d o n o s i

O D L U K U o poništenju postupka nabavke

Član 1.

Poništava se otvoreni postupak javne nabavke u predmetu Remont armature i uređaja za čišćenje kotlova blokova 6 i 7 za potrebe Podružnice Termoelektrana "Kakanj" Kakanj tender broj: 2000039707, obavještenje broj: 1424-1-2-319-3-659/23, objavljeno u Službenom Glasniku BiH broj 1 od 05.01.2024.godine i na Portalu www.ejn.gov.ba dana 28.12.2023.godine iz razloga što nijedna od primljenih ponuda nije prihvatljiva.

Član 2.

Ova Odluka će se objaviti na internet stranici JP EP BiH, u skladu sa članom 70. stav (6) Zakona o javnim nabavkama BiH.

Član 3.

Zadužuje se Služba za komercijalne poslove Podružnice Termoelektrana „Kakanj“ Kakanj da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima i time ih obavijesti o rezultatima postupka javne nabavke.

O b r a z l o ž e n j e

Po otvorenom postupku javne nabavke u predmetu Remont armature i uređaja za čišćenje kotlova blokova 6 i 7 za potrebe Podružnice Termoelektrana "Kakanj" Kakanj tender broj: 2000039707, obavještenje broj: 1424-1-2-319-3-659/23, objavljeno u Službenom Glasniku BiH broj 1 od 05.01.2024.godine i na Portalu www.ejn.gov.ba dana 28.12.2023.godine, ponude su dostavili sljedeći ponuđači:

- Konzorcij: TEMM-TUZLA d.o.o. Živinice-lider konzorcija i Institut za zaštitu, ekologiju i obrazovanje d.o.o. Tuzla-član konzorcija
- EFCO-NAT d.o.o. Maglaj

Prema Zapisniku o pregledu i ocjeni ponuda od dana 01.04.2024. godine, Komisija za javnu nabavku je izvršila otvaranje, pregled i ocjenu primljenih ponuda.

Ponudač EFCO-NAT d.o.o. Maglaj nije dostavio ponudu u skladu sa kriterijima koji su utvrđeni u tenderskoj dokumentaciji tačka 5.2, tačka 5.5, 5.6 (Aneks 1, Aneks 2, Aneks 4, Aneks 8 i drugi dokumenti) i 5.9 (jednu original ponudu i jednu kopiju ponude). Ponudač EFCO-NAT d.o.o. Maglaj je dostavio samo Aneks 1, te se njegova ponuda u skladu sa tačkom 5.2 tenderske dokumentacije odbacuje kao neprihvatljiva.

Na osnovu analize ponuda vezano uz ispunjenje zahtjeva u pogledu opisa kvalificiranosti ponuđača i rezultata kvalificiranosti utvrđeno je sljedeće:

Ponudač Konzorcij: TEMM-TUZLA d.o.o. Živinice-lider konzorcija i Institut za zaštitu, ekologiju i obrazovanje d.o.o. Tuzla-član konzorcija je na strani 27/67 svoje ponude dostavio spisak uredno izvršenih ugovora, a na strani 28/67 i 29/67 je dostavio potvrde o uredno izvršenim ugovorima. Nijedna od dostavljenih ponuda nije zadovoljila zahtjev 6.8 tenderske dokumentacije koja kaže da "*Potvrde koje izdaje druga ugovorna strana (primaoci usluge ili krajnji korisnici koji su navedeni u Spisku-referenc listi), moraju biti dostavljene u originalu ili kopiji ovjerenoj od strane nadležnog organa, te potpisane i ovjerene od strane izdavaoca istih (ukoliko se zahtijeva tačkom 6.5 TD)*" Ponudač je na strani 28/67 i 29/67 dostavio kopije potvrde koje nisu ovjerene od strane nadležnog organa. Također tačkom 6.5 tenderske dokumentacije je traženo da ponudač dostavi minimalno jednu potvrdu o uredno izvršenom ugovoru sa spiska uredno izvršenih ugovora u minimalnoj vrijednosti od 40.000,00 KM bez PDV-a koju daje druga ugovorna strana, a ponudač je dostavio na strani 29/67 i 62/67 potvrdu sa iznosom manjim od traženog. U skladu sa navedenim ponuda ponuđača Konzorcij: TEMM-TUZLA d.o.o. Živinice- lider konzorcija i Institut za zaštitu, ekologiju i obrazovanje d.o.o. Tuzla- član konzorcija se odbacuje kao neprihvatljiva, a u skladu sa tačkom 5.2 tenderske dokumentacije.

Komisija za javnu nabavku je predložila da se izvrši poništenje po predmetnom postupku nabavke u skladu sa članom 69. stav (2) tačka d) Zakona o javnim nabavkama BiH iz razloga što nijedna od primljenih ponuda nije prihvatljiva.

Na osnovu gore navedenog, to je i donesena Odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana "Kakanj" Kakanj u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.



v.d. Izvršnog direktora za proizvodnju

Fahrudin Tanović

Dostaviti:

- Ponuđačima
- Službi za komercijalne poslove
- a/a.